

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. XVII. Caput 18. de Exemptionibus.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

11. Confessarii extraordinarii novâ approbatione indigent, quoties id munus execquuntur.

12. Episcopus, qui revocat Confessarios Monialium & Administratores honorum illarum, non tenetur causas proferre, sed hoc ejus conscientia relinquitur.

13. Hæc Constitutio non limitatur ad delicta notoria & scandalum parientia.

Omnis haec responsiones approbatæ fuerunt à GREGORIO XV. qui Constitutionem ediderat an 1622.

### CAPUT XVII.

#### Caput 18. De Exemptionibus.

**H**ic dicit INNOCENTIUS III. personas, quas Pontifex sub suâ tutelâ nominatim recipit cum omnibus ecarum bonis, non esse idcirco à jurisdictione Episcopi sui exemptas.

FAGNANUS hunc Textum exponens obseruat, duplex esse tutelæ, seu protectionis genus, aliud generale, aliud speciale; atque hunc Textum restraining debere ad primum; alterum enim exemptionem continet, sicut exceptio in proprios & speciales subditos, cap. si Papa, de priv. in 6. 2. Circum hoc idem est de singulis Ecclesiis ac de singulis personis.

Postea petit, an Referendarii utriusque signature Gratiæ & Justitiæ, aut unius tantum, & Domestici eorum exempti sint à jurisdictione Ordinarii, quoad delictum, contractum, aut rem, de qua agitur, & relatis dispositionibus Concilii Tridentini cap. 3. Sess. V. cap. 4. Sess. XIV. cap. II. Sess. XXIV. & quorundam Pontificum, præcipue vero SIXTI V. concludit ex Constitutione hujus Pontificis, quæ pro regula obtinet, eos Officiales frui universalí exemptione, sive in Visitatione, sive extra Visitationem, tam quoad negotia civilia, quam quoad crima, ubiquecumque delinquent, aut contrahant, bonave eorum sita sint: secus est de Domesticis eorum, Capellani, Famulis, qui Visitationi & correctioni Episcopi tamquam Delegati Sedis Apostolicæ subjiciuntur; quia Concilium Tridentinum derogavit Constitutionem PAULI III. qui eis exemptionem concederat, & SIXTUS V. eorum mentionem non facit. Extra visitationem exempti sunt quoad negotia civilia, subditi autem quoad crima, posito quod Episcopus resideat, alias suâ exemptione fruuntur. n. 54. Agendo de exemptione istorum Officiorum, obiter exponit cap. 14. Sess. VII. & cap. 4. Sess. XIV. de reform. dicisque, prius loqui de exemptione mixta, personali scilicet & locali, sicut cap. volentes de priv. in 6. quod renovat, & quapropter jubet, ut negotia civilia exemptorum, qui extra Monasterium resident, ad Episcopi notionem pertineant. Posterior agit de exemptione merè personali, quæ cùm à Concilio Tridentino omnino antiquata fuerit, Referendarii suâ, quæ est hujus generis, frui non potuerint, nisi eam restituisset SIXTUS V.

### CAPUT XVIII.

#### Caput 24. De Privilegiis Oblatorum.

**H**ic Concilium Lateranense IV. exponit Privilégia Oblatorum, nec non Religiosorum circa quædam capita. Quod dicit de Oblatis, FAGNANO præbuit occasionem prolixè de iis tractandi, repetitivè ad id, quod dicitur de eorum exemptione cap. II. Sess. XXIV. de reform. Oblati, de quibus loquitur Concilium Lateranense, sunt ii, qui se aut bona sua quibusdam Ordinibus aut Monasteriis obtulerunt; iis nomen Confratrum dat, siisque concedit 1. Ut, si Ecclesia eorum interdicta sit, in ea post mortem suam sepeliantur, nisi excommunicati fuerint ipsi, nominatim ve interdicti. 2. Ut, si Prałati illarum Ecclesiarum hos Confrates sepelire noluerint, Religiosi, quorum sunt Oblati, eos in suâ Ecclesia sepeliant. Postea declarat, Confratrum nomine intelligi eos, qui adhuc in saeculo remanentes se Monasteriis obtulerunt, mutato habitu seculari;

aut eos, qui bona sua Monasteriis quibusdam donaverunt inter vivos, etiam retento usufructu; ab his privilegiis excludit eos, qui modicam bonorum suorum portionem dederunt, ne duobus aut tribus denariis dissolvatur & vilefacit Disciplina.

Quamvis juxta hoc Concilium Oblati possint frui his privilegiis, si suas personas habitu mutato obtulerunt, aut bona sua dederunt, retento usufructu, personâ nec datâ, neque mutato habitu: nihilominus FAGNANUS, plures alios Interpretes fecerunt, existimat, ut his privilegiis locus sit, ceterisque ad viros Oblatos pertinentibus, oportere, ut oblatio personæ concurrat cum oblatione bonorum, oblatio sit perpetua, mutaverint habitum, saeculo renuntiaverint, reliquerint domum, atque apud eos intraverint Oblati, quibus se obtulerunt. Cetera privilegia Oblatorum sunt: 1. Immunitas fori, tam in rebus Civilibus, quam Criminalibus 2. Immunitas bonorum. 3. Immunitas personarum Ecclesiasticarum quoad personam. Fundamentum horum privilegiorum est, quod verò Oblati personis Ecclesiasticis annumerantur sunt.

Iidem Autores Oblatos à Conversis distinguunt, in eo, quod hi habitum Religiosum gerunt, triaque vota, Obedientia, Castitatis, & Paupertatis, faciunt. Oblati verò alium habitum à Seculari & Religioso diversum habent; obedientia, quam vovent, non est Monachalis; possunt esse conjugati, & aliquid sibi proprium retinere, scilicet bonorum suorum, aut partis eorum usumfructum.

Quoniam hic de Oblatis non agimus, nisi quoad privilegium ipsius à Concilio Tridentino conservatum, de ceteris privilegiis brevissime egimus, & de conditionibus ad ea requisitis. Quoad hoc necessarium est obserbare, omnia quæ dicuntur à FAGNANO ad expositionem cap. II. Sess. XXIV. & quæ ad 3. capitula reducuntur. 1. Ii, qui plenè Oblati non sunt, Episcopi Jurisdictioni subjiciuntur, non obstante quovis privilegio & quavis consuetudine: 2. Ii, qui plenè Oblati sunt, huic etiam jurisdictioni subjiciuntur, si præter conditions Jure communi requisitas ad cetera privilegia, Religioni actu non serviant: 3. In utroque casu jurisdictioni Ordinarii cumulativa est, & non privativa respectu Superiorum Regularium, quoad casus in quibus hi autoritatem habent in Oblatos. Ultimum hoc caput probat per principium, quod constare afferit, scilicet, quoties Lex alicui dat jurisdictionem in personas, quæ aliis ante subjiciebantur, pristinam jurisdictionem integrum conservat, nisi ejus possessores excludat per particulari taxativam tantum; laudatique pluribus Legibus atque Autoribus idem docentibus, ac relato exemplo Legis, quæ in quibusdam casibus Scholasticos Episcopo subjicit, non derogando jurisdictioni, quam in eos habet Recto, suum principium accommodat Oblatis, in quos Religiosi jurisdictionem habebant, priusquam eos Ordinario subjiceret Concilium; observatque 1. Concilium nihil adiicere, quod disertè huic Jurisdictioni deroget; 2. Quod Concilium, quando jurisdictionem privatiyam dare vult, id exprimat, laudatque in probationem cap. 2. Sess. XXIV. ubi Concilium certa negotia Episcopali notioni subjiciendo, bis uititur hæc particulâ taxativâ: 1. In his verbis: *Causæ omnes ad forum Ecclesiasticum quomodolibet pertinentes, etiam si beneficiale sint, in prima Instantia coram Ordinario locorum duntaxat cognoscantur. 2. Ad hæc cause Matrimoniales & Criminales, non Diaconi, Archidiaconi, aut aliorum inferiorum Judicio, (etiam visitando) sed Episcopi tantum examini & jurisdictioni relinquuntur; & cap. 3. Sess. XXV. de reform.* ubi Concilium alii cucumque, quam Episcopo, vetat concedere Monitoria ad revelationem tendentia, probat insuper per Declarationem Cardinalium, quod, quando Concilii Decreta quamdam jurisdictionem tribuunt Episcopo in materia, circa quam Prałati inferiores autoritatem habebant, cumulativa illa est tantum. Hæc Declaratio pertinet ad cap. 7. Sess. VII. & cap. XI. Sess. XXV. de Regulari, hoc subjicit Religiosos Curatos